

## **A E (Te Tamnei ae Raoiroi) na kaoti nakoira ...Ioane 16:8.**

### **❖ Te bure. Ioane 16:9.**

- Tera te kaokoro imarenan kaotan te buakaka ma te kabuakaka? Eng, taben Tatan bon te tia kabuakaka. Ma te Tamnei ae Raoiroi E bon kaotii man katerei ara bure nakoira.
- Te tamnei ae Raoiroi E aki tii katerei ao ni kaotii ara bure, ma e katerea naba bwa e oioi mai ia ara bure akanne—ao E a manga kaota kawaira n otinako nakon te tokanikai. Ti riai n onimakina Iesu bwa ngkana ti raira nanora ao E na kamaura.
- Bon akea riaina bwa tina karaoa ana mwakuri te Tamnei ae Raoiroi ke ana mwakuri Tatan. Ti naki riki bwa taan kabuakaka ke taan kaota te buakaka. Oin tabera bwa kaotiti ibukin te Tamnei ae Raoiroi nakon te aonnaba ae bwanin.

### **❖ Te raoiroi. Ioane 16:10.**

- I NAKON TAMAU. Ebera 4:14-16; 7:25.
  - (a) Bon tii Iesu n ti ngaia ae kakororaoa “te raoiroi” (Mataio 3:15). Imwin waerakena nako karawa, ao E riki bwa tei ibukin ara bure ao n Uota Ana raoiroi bwa ibukira nako matan Tamana.
  - (b) Taben te Tamnei ae Raoiroi katerean ae bon tii Ana raoiroi Iesu ae E kona ni kamauira.”
    - (a) Ai ngaia are ti kona ni karekea Ana raoiroi Iesu bon ti man onimakinan Iesu ao akea riki.
- KAM AKI MANGA NORAI I-Karatia 2:20.
  - (a) E butimwaeaki Ana raoiroi Iesu Iroun Tamana ibukina ngkai E anga mauina ibukira. E tangiria naba bwa E na maeu Iesu inanora rinanon te Tamnei ae Raoiroi.
  - (b) Kakorakorakira iroun te Tamnei ae Raoiroi bon rikiraken maura Inanon Kuristo.

### **❖ Te motikitaeka. Ioane 16:11.**

- Te motikitaeka raa ae E taekinna Iesu ikai?  
Eng, bon motikan taekan Tatan.
- E riki aio n te tabuki are i Karewari, ike ae konaki iai te Riaboro, e motikaki taekana ao mani kabuakakaki nakon te mate are akea tokina.
- E kataia ni kakamakuira n ana “bekorara” bwa ti aonga n katoka nakonakora ma Iesu ao n ira kawaina.
- E ngaen anne, e tua Betero bwa tina kaaki ara raraoma I Aon Iesu, ao tina tau bangira, ao tina kamarurungira, bwa tina rarawa nakon Tatan ma ma tina teimatoa n te onimaki(1P5:9)

## **B Kakoauan te kamauaki bon mai Iroun te Tamnei ae Raoiroi. I-Ebeto 1:13-14.**

- ❖ Kakoauan te kamauaki iroun Bauro e boboto iaon te boraoraoi nakoia taan kakoaua te Uakenrio.
- ❖ Ao te boraoraoi anne bon , “kamauia ake a tia ni kaboaki n Ana Akoi,”rinanon Raran Iesu.
- ❖ Ao taben te Tamnei ae Raoiroi kamatoan te boraoraoi anne inanora n tatabemaniira nako.
- ❖ Tia kamtebwai aron kawain te kamauaki ma Ana mwakuri te Tamnei ni kaeti ma I-Rom 8:10-17.

## **C Ti kaonaki n te kantaninga Iroun te Tamnei ae Raoiroi. I-Rom 15:13.**

- ❖ E teimatoa kantaningan okin Iesu te kauatai ma te maeka mangaia n te lerutarem ae boou Iroun te Tamneii ae Raoiroi.  
E boto te kantaninga anne mai Iroun te Atua ae kakaonimaki. E beritaia ao E manga kakoroa bukina.
- ❖ E berita bwa E na kaikoaka atun te naeta I Eten, ao E kakoroa bukin anne n te kaibangaki. “E aki bwaka te bwai teuana mani bwai ake a raroai ni bane ake E ataong lehova nakoia tibun Iteraera. A bane ni koro raoi bukia.” (Joshua 21:45).
- ❖ **Te Atua ngaia ae te Tia onimakinaki, E aki bibitaki (Maraki 3:6). Anuana ae E aki bibitaki bon boton ao aan ara kantaninga.**